

四庫全書

史部

欽定四庫全書

逸周書卷七

晉 孔晁 注

官人解第五十八

王曰嗚呼大師朕維民務官論用有徵觀誠考言視聲  
觀色觀隱揆德可得聞乎周公曰亦有六徵嗚呼乃齊  
以揆之一曰富貴者觀其有禮施貧賤者觀其有德守  
壁寵者觀其不驕奢隱約者觀其不懼懼其少者觀其  
恭敬好學而能悌其壯者觀其廉潔務行而勝私其老

者觀其思慎而闕彊其所不定者觀其不踰父子之間  
觀其和友君臣之間觀其忠惠鄉黨之間觀其信誠省  
其居處觀其方闕省其喪哀觀其貞良省其出入觀其  
交友省其交友觀其任廉設之以謀以觀其智示之以  
難以觀其勇煩之以事以觀其治臨之以利以觀其不  
貪濫之以樂以觀其不荒喜之以觀其輕闕之以觀其  
重醉之酒以觀其恭從之色以觀其常道之以觀其不  
二昵之以觀其不狎復徵其言以觀其精曲省其行以

觀其備此之謂觀誠二曰方與之言以觀其志闕以淵其器寬以悌其色儉而不諂其禮先人其言後人見其所不足曰益者也好臨人以色高人以氣賢人以言防其所不足發其所能曰損者也其貌直而不止其言正而不私不飾其美不隱其惡不防其過曰有質者也其貌曲媚其言工巧飾其見物務其小證以故自說曰無質者也喜怒以物其色不變煩亂以事而志不營深導以利而心不移臨懾以威而氣不卑曰平心而固守者

也喜怒以物而心變易煩亂以事而志不治導之以利而心遷移臨懾以威而氣慄懼曰鄙心而假氣者也設之以物而數決敬之以卒而度應不文而辯曰有慮者也難決以物難悅以守一而不可變因而不知止曰愚依人也營之以物而不誤犯之以卒而不懼置義而不可遷臨之貨色而不過曰果敢者也移易以言志不能固已諾無決曰弱志者也順予之弗為喜非奪之弗為怒沉靜而寡言多稽而險貌曰質靜者也屏言弗顧自

順而弗護非是而彊之曰始誣者也微而能發察而能  
深寬順而恭儉溫柔而能斷果敢而能屈曰志治者也  
華廢而誣巧言令色皆以無為有者也此之謂考言三  
曰誠在其中必見諸外以其聲處其實氣初生物物生  
有聲聲有剛柔清濁好惡咸發于聲心氣華誕者其聲  
流散心氣順信者其聲順節心氣鄙戾者其聲醒醜心  
氣寬柔者其聲温和信氣中易義氣時舒和氣簡備勇  
氣壯力聽其聲處其氣考其所為觀其所由以其前觀

其後以其隱觀其顯以其小占其大此之謂視聲四曰  
民有五氣喜怒哀懼憂喜氣內蓄雖欲隱之陽喜必見  
怒氣內蓄雖欲隱之陽怒必見欲氣懼氣憂悲之氣皆  
隱之陽氣必見五氣誠于中發形于外民情不可隱也  
喜色猶然以出怒色薦然以侮欲色嫗然以愉懼色薄  
然以下憂悲之色瞿然以靜誠智必有難盡之色誠仁  
必有可尊之色誠勇必有可新之色誠潔必有難汙之  
色誠闕必有可信之色質浩然固以安偽蔓然亂以煩

雖欲改之中色弗聽此之謂觀色五曰民生則有陰有陽人多隱其情飾其偽以攻其名有隱於仁賢者有隱於智理者有隱於文藝者有隱於廉勇者有隱於交友者如此不可不察也小施而好德小讓而爭大言願以為質闕愛以為忠尊其得以改其名如此隱於仁賢者也前總唱功慮誠弗及佯為不言內誠不足色示有餘自順而不讓措辭而弗遂此隱於智理者也動人以言竭而弗終問則不對佯為不窮闕貌而有餘假道而自



順因之闕初窮則託深如此者隱於文藝者也闕言以

為廉矯厲以為勇內恐外誇亟稱其說以詐臨人如此  
隱於廉勇者也自事其親而好以告人飾其見物不誠  
於內發名以事親自以名私其身如此隱於忠孝者也  
比周以相譽知賢可徵而左右不同不同而交交必重  
闕心說而身弗近闕而實不至懼不盡見於衆而貌  
克如此隱於交友也此之謂觀隱六曰言行不類終始  
相悖外內不合雖有假節見行曰非成質者也言忠行

夷爭靡及私闕弗求及情忠而寬貌莊而安曰有仁者  
也事變而能治效窮而能達措身立方而能遂曰有知  
者也少言以行恭儉以讓有知而言弗發有施而闕弗  
德曰謙良者也微忽之久而可復幽間之獨而弗克其  
行亡如存曰順信者也貴富恭儉而能施嚴威有禮而  
不驕曰有德者也隱約而不懼安樂而不奢勤勞而不  
變喜怒而有度曰有守者也直方而不毀廉潔而不戾  
彊立而無私曰有經者也虛以待命不召不至不問不

言言不過行行不過道曰沈靜者也忠愛以事親驩以盡力而不回敬以盡力而不闕曰忠孝者也合志而同方共其憂而任其難行忠信而不疑闕隱遠而不舍曰交友者也志色亂氣其人甚偷進退多巧就人甚數辭不至少其所不足謀而不已曰偽詐者也言行亟變從容克易好惡無常行身不篤曰無誠者也少知而不大決少能而不大成規小物而不知大倫曰華誕者也規諫而不類道行而不平曰竊名者也故曰事阻者不夷

時闕者不回果敢者也飾貌者不靜假節者不平多私者不義揚言者寡信此之謂揆德

### 王會解第五十九

成周之會墀上張赤弁陰羽

王城既成大會諸侯及四夷也陰鶴也以羽飾帳也

除地曰墀  
弁帳也

天子南面立紼無繁露朝服八十物搢挺

繁露

冕之所垂也所尊敬則有焉八十物大小所服搢挿也挺笏也

唐叔荀叔周公在左太

公望在右皆紼亦無繁露朝服七十物搢笏旁天子而

立於堂上

唐荀國名皆成王弟故曰叔旁差在後也近天子後故其冕謂亦無旒也

堂下之

右唐公虞公南面立焉

唐虞二公堯舜後也

堂下之左殷公夏公

立焉皆南面統有繁露朝服五十物皆搢笏

杞宋二公冕有繁露

搢笏則唐虞闕也

為諸侯之有疾病者阼階之南祝淮氏榮氏

次之皆西南彌宗旁之

淮榮二祝之氏也彌宗官名次珪璜南差在後

為諸侯

有疾病者之醫藥所居

使謂左右也居則至也

相者太史魚太行

人皆朝服有繁露

魚太史名及太行人皆贊相賓客之禮也

堂下之東面郭

叔掌為天子萊幣焉統有繁露

郭叔號文王弟萊錄諸侯之幣也

內臺

西面者正北方應侯曹叔伯舅中舅

內臺中臺也應侯成王弟

比服

次之要服次之荒服次之西方東面正北方伯父中子

次之

此要服於比服轉遠殊故殊其名非夷狄之四荒也伯父姬姓之國中子於王子中行者也

方

千里之外為比服方千里之內為要服三千里之內為

荒服是皆朝於內者

此服名因於殷非周制也

堂後東北為赤弁馬

浴盆在其中

雖不用而說之敬諸侯也

其西天子車立馬乘亦青陰

羽鳧旌

鶴鳧羽為旌旄

中臺之外其右泰士臺右彌士

外謂臺之東西

也外臺右太士右彌士士受贄者八人東面者四人

受賓

幣士也四人東面則西面四人也

陳幣當外臺天玄醵宗馬十二

陳束帛幣

馬於外臺天玄

王玄繚碧基十二

此下三碧皆玉故自下以至王之玄繚謂

之黑組紐之基王

參方玄繚壁豹虎皮十二

參方陳樊三所也壁

皮兼陳也

四方玄繚壁琰十二

琰珪也有鋒疾陳之四方所列之也

外臺之四

隅張赤弁為諸侯欲息者皆息焉命之曰爻閭

每角張息者隨

所近也侯稱爻也

周公旦主東方所之青馬黑斨謂之母兒

周公

主東方則太公主西方東青馬則西白馬矣馬名未聞

其守營牆者衣青操弓執

矛戟也各異方

西面者正北方稷慎大塵

稷慎肅慎也貢塵似鹿正北內臺北

也穢人前兒前鬼若彌猴立行聲似小兒

穢韓穢東夷別種

良

夷在子在子闕身人首脂其腹炙之霍則鳴曰在子良

樂狼之夷也貢奇獸

揚州禺禺魚名解脩冠

亦奇魚也

發人鹿鹿者若

鹿迅走

發亦東夷迅疾

俞人雖馬

俞東北夷雖馬舊駕

青丘狐

九尾

青丘海東地名

周頭輝玆輝玆者羊也

周頭亦海東名也

黑齒白

鹿白馬

黑齒西遠之夷也貢白鹿白馬

白民乘黃乘黃者似騏背有兩

角

白民亦南夷

東越海蛤

東越則海際蛤文蛤

歐人蟬蛇蟬蛇順食之

美

東越歐人也北交州蛇特多為上珍也

姑於越納闕姊妹珎

姊妹國後屬越且

甌文蜃

且歐在越文蜃大蛤也

若人玄貝

若人吳越之蠻玄貝照貝也

海陽大



解

海水之陽一蟹盈車

自深桂

自深亦南蠻也

會稽以鞞皆西嚮

其皮可以為鼓

首自塵以下至此向西也

正北方義渠以茲白茲白者若白馬鋸牙

食虎豹

亦在臺北與大塵相對義渠西戎國茲白一名駁者也

史林以尊耳尊耳

者身若虎豹尾長三尺其身食虎豹

史林戎之在西南者

北唐戎

以閭閻以兪冠

北唐戎在西北者也射禮以閭象為射器

渠叟以鼯犬鼯犬

者露犬也能飛食虎豹

渠叟西戎之別名也

樓煩以星施星施者

珥旄

樓煩北狄珥旄所以為旄羽耳

十盧以牛牛者牛之小者也

十盧盧人

西北戎也今盧水是

區陽以鼈封者若鼯前後有首

區陽亦戎之名也規

矩以鱗者獸也

矩亦戎也。牛尾一角馬蹄也。

西申以鳳鳥鳳鳥

者戴仁挹義拔信歸有德

其形似雞蛇首魚尾戴仁向仁國挹義懷有義拔信歸有

德之丘羌鸞鳥

丘地之羌不同故謂之丘羌今謂君也。丘戾鸞大於鳳亦歸仁義也。

巴人

以比翼鳥

巴人在南者不比不飛其名曰鷦鷯

方揚以皇鳥

方揚亦戎別名也。皇鳥配

於鳳者也

蜀人以文翰文翰者若臯雞

鳥有文彩者臯雞似翼州謂之澤特也

方人以孔鳥

亦戎別名孔與鸞相匹也

卜人以丹沙

卜人西南之夷蠻丹沙所出夷

用閭采

夷東北夷采生火中色黑面光其堅若鐵

康民以桴鼓者其實如李

食之宜子

康亦西戎之別名也。食桴鼓即有身

州靡費費其形人身技踵

自笑笑則上唇翕其目食人北方謂之吐嚙

費費曰裊羊好行立

行如人被髮前足稍長者也

都郭生生若黃狗人面能言

都郭生生北狄二名

奇幹善芳善芳者頭若雄雞佩之令人不昧皆東鄉

奇幹

亦北狄善芳鳥名皆東東向列次也北方臺正東高夷嘽羊嘽羊者羊而

四角

高夷東北夷高麗句

獨鹿叩叩距虛善走也

獨鹿西方戎叩獸似距虛負

厥而走也孤竹距虛

孤竹東北狄距虛驢驪屬

不令支玄摸

不令支皆東北夷玄摸黑

也孤不屠何青能

不屠何東北夷

東胡黃羆山戎菽

山戎東北夷戎菽豈藥也

其西般吾白虎

次西般吾北狄近西

屠州黑豹

屠州狄之別也

禺氏駒駝

禺氏西北戎夷駒駝馬屬

大夏茲白牛

大夏西北戎茲白牛野獸

犬戎文馬而赤

鬣縞身目若黃金名古黃之乘

犬戎西戎遠者

數楚每牛每牛

者牛之小者也

數楚北戎

犬戎狡犬者巨身四尺果皆

北嚮

北戎

權扶三目

權扶南蠻形甚小

白州北間北間者其革

若于伐其木以為車終行不敗

白州東南蠻與白民接也

禽人管亦

東蠻管草堅忍

路人大竹

路人東方蠻貢大竹

長沙鼈

特大而美故貢也

其西魚

復鼓鐘鐘牛

魚復南蠻國也貢鼓及鐘而似牛形者

蠻揚之翟

揚州之蠻貢翟鳥

倉吾翡翠翡翠者所以取羽

倉吾亦蠻也翠羽其色青而有黃也

其餘皆

可知自古之政

餘謂衆諸貢物也言政化之所至也

南人至衆皆北嚮

南人

越南伊尹朝獻商書

言別有此書也

不周書錄中以事類來附

王會

期朝貢事故令附合

湯問伊尹曰諸侯來獻或無馬牛之所生而

獻遠方之物事實相反不利

非其所有而當遠求於民故不利也

今吾欲

因其地勢所有獻之必易得而不貴其為四方獻令

其制

品服之令

伊尹受命於是為四方令曰臣請正東符屢仇州

伊慮漚深九夷十蠻越漚鬻髮文身

十者東夷蠻越之別稱鬻髮文身因

其事以名也

請令以魚支之鞞

闕

鯢之醬鮫鼂利劒為獻

鞞刀

剗魚名鰓盾也以正南甌鄧桂國損子產里濮九菌鰓皮作之鰓文魚也

六者南蠻請令以珠璣瑇瑁象齒文犀翠羽菌鶴短狗之別名

為獻璣似珠而小菌鶴可用為旌翳短狗狗之善者也正西崑崙狗國鬼親枳

已闕耳貫胸雕題離丘漆齒九者西戎之別名也闕耳貫胸雕題漆齒等亦因其

事以名請令以丹青白旄紕蜀江歷龍角神龜為獻江之也

珠名龍解角得也正北空同大夏莎車姑他旦畧貌胡戎翟匈

奴樓煩月氏蟻犁其龍東胡十二者北狄之別名也戎狄在西北界戎翟之間國

也請令以橐駝白玉野馬騊駼駃騠良弓為獻湯曰善

逸周書卷七

欽定四庫全書

逸周書卷八

晉孔晁注

祭公解第六十

王若曰祖祭公

祭公周公之後昭穆於穆王在祖列

次予小子虔虔在位

虔敬

昊天疾威予多時溥愆

溥大也言昊天疾威於我故多是過失

我聞祖

不豫有加予維敬省不弔天降疾病予畏之威公其告

予懿德

予至也言己道不至故天下病王畏守不美懿美也

祭公拜手稽首曰天

子

拜手頭至手稽首頭俯地

謀父疾維不瘳朕身尚在茲朕魂在于



天謀父祭公名我魂昭王之所勗宅天命言雖魂在天在於天言必死也

勉君天下之事也王曰嗚呼公朕皇祖文王烈祖武王度下國

作陳周維皇皇上帝度其心寘之明德下國謂諸侯也天度其心所能

寘明德於其角也付俾於四方用應受天命敷文在下付與四方受命

於天而敷其文德在下土也我亦維有若文祖周公暨列祖召公茲

申予小子追學於文武之蔑言已追學文武之徵德此由周召分治之化也周

克龕紹成康之業以將天命用夷居之大商之衆將行夷平

也言大商本其初也我亦維有若祖祭公之執和周國保乂王家

執謂執其政也

王曰公稱丕顯之德以予小子揚文武大勲弘

成康昭考之烈

稱謂舉行也昭考昭王穆王之父也

王曰公無困我哉俾

百僚乃心率輔弼予一人

言公當使百官相率和我輔弼我不然則困我

祭公

拜手稽首曰允乃詔畢桓于黎民般

般樂也言信如王告盡治民樂政也

乃汝汝王也

公曰天子謀父疾維不瘳敢告天子皇天改大

殷之命維文王受之維武王大尅之咸茂厥功

茂美也文王以

受命為美武王以克殷為美故曰咸也

維天貞文王之重用威亦尚寬壯

厥心康受乂之式用休

貞正也重之用威伐崇黎也既尅之而安受治之其治用美也

亦先王茂綏厥心敬恭承之維武王申大命戡厥敵

言武

王申文王受命之意而勝殷也

公曰天子自三公上下辟于文武文武

之子孫大開方封于下土

辟法也言我王法文武方大開國旁布於下土

天之

所錫武王時疆土丕維周之闕

后稷之受命是永

宅之

錫與言天子武王是疆所受是大維周之開基大維后稷所受命是長居此也

維我後嗣

旁建宗子丕維周之始并

旁建宗子立為諸侯言皆始并天子之故也

嗚呼

天子三公監于夏商之既敗丕則無遺後難至于萬億

年守序終之

言當以夏商為戒大無後難之道守其序而終也

既畢丕乃有利

宗不維文王由之

既終之則有利于宗皆由文武之德也

公曰嗚呼天子

我不則寅哉寅哉

寅敬也不則言則也

汝無以戾闕罪疾喪時二

王大功

戾反罪疾謂已所行也是二王文武

汝無以嬖御固莊后

嬖御寵妾也莊

正汝無以小謀敗大作

小謂不法先王也大作大事也

汝無以嬖御士

疾大夫卿士

言無親小人疾君子

汝無以家相亂王室而莫恤其

外

言陪臣執國命恤憂也外謂王室之外也

尚皆以時中又萬國

言當盡用是中道治

天下也 嗚呼三公汝念哉汝無泯泯芬芬厚顏忍醜時維

大不弔哉

戒三公使念我與王也泯芬亂也忍行亂則厚顏忍醜也如是則大不善之也

昔在

先王我亦維丕以我辟險于難不失于正我亦以免沒

我世

先王穆父祭公所事也辟君也言我事先王遇大難正而不失故能以善沒世言善終

嗚呼

三公予維不起朕疾汝具皇敬哉茲皆保之

皇大也言當式敬我

言如此則天下皆安之

曰康子之攸保勗教誨之世祀無絕不我

周有常刑

康安也子之所宜安以善道勉教之則子孫有福不然則犯常刑也

王拜手稽

首黨言

王拜受祭公之黨言也王拜則三公拜可知也

史記解第六十一

維正月王在成周昧爽召三公左史戎夫

王是穆王也戎夫左史名

也曰今夕朕寤遂事驚予遂成也行成事言驚夢宿欲知之也乃取遂事

之要闕俾戎夫言之朔望以聞集取要戒之言月已日望於王前讀之信

不行義不立則哲士凌君政言君不行信義信義由智立故哲士凌君之政也

禁而生亂皮氏以亡禁義信則亂生皮氏古諸侯也諂諛日近方正日

遠則邪人專國政好順人意為諂諛禁而生亂華氏以亡華聚也亦

古諸侯也好貨財珎怪則邪人進邪人進則賢良目蔽而遠

賢良不行貨故蔽遠賞罰無位隨財而行夏后氏以亡桀由好財亡也嚴

兵而不闕者其臣懾其臣懾而不敢忠不敢忠則民不

親其吏

不敢忠乃不仁下  
効其上故不親

刑始於親遠者寒心殷商以

亡

紂以暴虐亡也

樂專於君者權專於臣權專於臣則刑專於

民

君荒於樂則權臣專斷用刑濫矣

君娛於樂臣爭於權民盡於刑有

虞氏以亡

專則致爭而刑殺之盡被刑也有虞商均之後

奉孤以專命者謀主

必畏其威而疑其前事

謀主謂孤長大也前事謂專命

挾德而責數日

疏位均而爭平林以亡

挾其見奉之德而責其前專命事此與周公反矣位與勢敵

大臣有錮職譁誅者危昔者質沙三卿朝而無禮君怒

而久拘之譁而弗加

錮職謂事專權也

譁卿謀變質沙以亡

有三

卿諸侯可知也

外內相間下撓其民民無所附三苗以亡弱小

在彊大之間存亡將由之則無天命矣不知命者死

天無

命命在彊壯者也知命則大不知命則足以亡矣

有夏之方興也扈氏弱而不

恭身死國亡

有夏啟也戰於甘滅扈也

嬖子兩重者亡昔者義渠氏

有兩子異母皆重

王不別長庶寵秩同也

君疾大臣分黨而爭義

渠以亡

各有所事而爭力也

功大不賞者危昔平州之功大而不

賞諂臣日賞貴功日怒而生變平州之君以走出

有功不賞

而貴諂臣有德不官而任奸佞宜其出走也

召遠不親者危昔有林氏召離



戎之君而朝之

林氏諸侯

至而不禮留而弗親離戎逃而去

之林氏誅之天下叛林氏

天下見其遇戎不以禮遂叛林氏林氏孤危也

昔者

曲集之君伐智而專事彊力而不賤其臣忠良皆伏

伐智

自足也謂

愉州氏伐之君孤而無使曲集以亡

曲集愉州皆古

諸侯昔者有巢氏有亂臣而貴任之以國假之以權擅國

而主斷

委之政也

君已而奪之臣怒而生變有巢以亡

秉政則專

立殺則多恐雖君奪其政懼禍見及故作亂也

斧小不勝柯者亡昔有鄩君嗇

儉滅爵損祿羣臣卑讓上下不臨

柯秉所以喻君斧所以用喻臣臣無爵祿

君所在不臨言後闕小弱禁罰不行重氏伐之鄆君以不相承奉也

亡兩弱不能行命久空重位者危昔有共工自賢自以無臣久

空大官言無任已臣者故空官也下官交亂民無所附唐氏伐之共

工以亡無大臣故小臣亂也君出於上臣亂於下民無所依堯遂流之犯難爭權疑者

死昔有林氏上衡氏爭權爭為犯難不果為疑林氏再戰弗勝上

衡氏偽義弗克俱身死國亡林氏恃勝上衡氏急義所以俱亡知能均

而不親並重事君者危昔有南氏有二臣貴寵力鈞勢

敵竟進爭權下爭朋黨君弗禁南氏以分二臣勢鈞而不親權重養

徒黨所以分國也

昔有果氏好以新易故故者疾怨新故不和

有果亦國名也

內爭朋黨陰事外權有果氏以亡

外權謂外大國

爵重

祿輕比

不成者亡昔有畢程氏損祿增爵群臣貌匱

比而戾民畢程氏以亡

有位無祿取名自成民不堪求比而罪之

好變故易

常者亡昔陽氏之君自伐而好變事無故業官無定位

民運於下

運亂移也

陽氏以亡業形而愎者危昔穀平之君

愎類無親破國弗尅業形相國

愎狠類戾也國不勝彼以刑為業也外內

相援穀平以亡武不止者亡昔阪泉氏用兵無已誅戰

不休并兼無親文無所立智士寒心

無親謂并兼之也無文德故智士寒

心徙居至于獨鹿諸侯畔之阪泉以亡

獨鹿西戎地名徙都失處故亡

也狠而無親者亡昔者縣宗之君狠而無聽

不納忠言

執事

不從宗職者疑發大事群臣解體

皆有違心

國無立功縣宗

以亡昔者玄都賢鬼道廢人事天

求祥神也

謀臣不用龜策

是從神巫用國哲士在外玄都以亡

棄賢任巫所以亡也

文武不

行者亡昔者西夏性仁非兵

性仁而無文德非兵而無武備

城郭不脩

武士無位惠而好賞屈而無以賞

無功盡賞財無可用

唐氏伐之

城郭不守武士不用西夏以亡

唐氏堯帝

美女破國昔者績

陽彊力四征重丘遺之美女

重丘之君畏其并已惑之以女

績陽之君

悅之熒惑不治大臣爭權遠近不相聽國分為二

君昏於上

權分於下所為二也

宮室破國昔者有洛氏宮室無常池園廣大

工功日進以後更前民不得休農失其時

工進功則民困矣以工取

官賢材退矣

饑饉無食成湯伐之有洛以亡

湯號曰成故曰成湯

### 職方解第六十二

職方氏掌天下之圖辯其邦國都鄙四夷八蠻七閩九

貉五戎六狄之人民

此在周官大司馬下篇穆王使有司抄出之欲時省焉國邑曰鄙東

方曰夷南方曰蠻皆狄蠻之別貉夷之別八七九五六見非一之言也

與其財用九穀六

畜之數周知其利害乃辯九州之國使同貫利

貫事

東南

曰揚州其山鎮曰會稽其澤數曰具區其川三江其浸

五湖其利金錫竹箭其民二男五女其畜宜雞狗鳥獸

其穀宜

闕

箭篠也九州土氣生民女各不同鳥獸山澤所育之屬也

正南曰荊州

其山鎮曰衡山其澤數曰雲夢其川江漢其浸潁湛其

利丹銀齒革其民一男二女其畜宜鳥獸其穀宜稻河

南曰豫州其山鎮曰華山其澤藪曰圃田其川焚洛其

浸陂澹

華山  
西岳

其利林漆絲枲其民二男三女其畜宜六

擾其穀宜五種

家所畜曰擾五種  
謂黍稷菽麥稻也

正東曰青州其山鎮

曰沂山其澤藪曰望諸其川淮泗其浸沂沭其利蒲魚

其民二男三女其畜宜雞犬其穀宜稻麥河東曰兗州

其山鎮曰岱山其澤藪曰大野其川河涕其浸盧維其

利蒲魚其民二男三女其畜宜六擾其穀宜四種

四種  
黍稷

麥稻

正西曰雍州其山鎮曰嶽山其澤藪曰弦蒲其川涇

汭其浸渭洛其利玉石其民三男二女其畜牛馬其穀

宜黍稷

嶽吳嶽也

東北曰幽州其山鎮曰醫無閭其澤藪曰

獫狁其川河沛其浸菑時其利魚鹽其民一男三女其

畜宜四擾其穀宜三種

四擾牛羊馬豕三種黍稷稻也

河內曰冀州其

山鎮曰霍山其澤藪曰揚紆其川漳其浸汾潞其利松

柏其民五男三女其畜宜牛羊其穀宜黍稷

所謂河內者

正

北曰并州其山鎮曰恒山其澤藪曰昭餘祁其川虢池

嘔夷其浸洚易其利布帛其民二男三女其畜宜五擾



其穀宜五種

五種牛馬羊豕犬  
五種黍稷菽麥麻

乃辯九服之國方千里

曰王圻

圻界也

其外方五百里為侯服

為王者斥侯也  
闕言服正事也

又

其外方五百里為甸服

甸田也治田  
又入穀也

又其外方五百里

曰男服

男任也  
任王事

又其外方五百里為衛服

為王扞  
衛也

又其

外方五百里曰蠻服

用事差  
簡慢

又其外方五百里為鎮服

闕

又其外方五百里為藩服

藩服屏  
四境也

凡國公侯伯

子男以周知天下凡拜國大小相維王設其牧

周徧維  
持也牧

謂牧御天  
下之政教

制其職各以其所能

連率牧監  
各任能也

制其貢各以

其所有

土地所有乃貢之

王將巡狩則戒于四方曰各脩平乃

守考乃職事無敢不敬戒國有大刑

考成也不敬則犯大刑也職方所關

及王者之所行道率其屬而巡戒命王殷國亦如之  
王

二歲一巡狩職方自所戒之命其不巡狩六服盡朝朝謂之殷國也述命亦如巡狩也

逸周書卷八

欽定四庫全書

逸周書卷九

晉孔晁注

芮良夫解第六十三

芮伯若曰予小臣良夫稽道謀告

伯爵若順也順其事而告之也

子惟

民父母致厥道無遠不服無道左右臣妾乃違

無道無德政違

戾也民歸于德德則民戴否則民讎茲言允効于前不遠

言驗於前世不遠言近

商紂不道夏桀之虐肆我有家

舉桀紂惡滅亡為戒

也嗚呼惟爾天子嗣文武業惟爾執政小子同先王之

臣昏行闕顧道王不若

同為昏闇言教王為不順

專利作威佐亂進

禍民將弗堪

專利侵民佐亂進於禍也

治亂信乎其行惟王暨爾執

政小子攸聞

行善則治行惡則亂皆所聞知

古人求多聞以監戒不聞

是惟弗知

言古人患不聞故有所不知也

后除民害不惟民害害民乃

非后惟其讎

害民是興民為怨讎

后作類后弗類民不知后惟其

怨

言民不從上命從其所行類善也不知君則怨深矣

民至億兆后一而已寡不

敵衆后其危哉

言上下無義對共相怨則寡者危也

嗚呼闕

如之人

養

食之則擾服雖家畜不養則畏人治民亦然也

今爾執政小子惟以貪諛為事

不懃德以備難

專利為貪曲從為諛

下民胥怨財單竭手足靡措

弗堪戴上不其亂而

言民相與怨上上加之罪民不堪命而作亂

以予小臣

良夫觀天下有土之君

有土謂之諸侯也

厥德不遠罔有代德

言無遠德罔有天下也

時為王之患其惟國人

是國人為患也

嗚呼惟爾

執政朋友小子其惟洗爾心改爾行克憂往愆以保爾

居

洗心改行憂往過則安爾之居位

爾乃賁禍翫哉遂弗悛余未知王

之所定矧乃

闕

賁陽不聞翫心不惕悛改矧況也尚不知王定况貪諛之臣能得其所也

惟禍發於人之攸忽於人之攸輕

闕

不存焉變之攸伏

言人所輕忽則禍之所起謂下民也

爾執政小子不圖善偷生苟安爵以

賄成

苟且無遠慮賄賂不任德

賢智箝口小人鼓舌逃害要利並得

厥求唯曰哀哉

賢者時默以逃害小人佞諂以要利各得其求君子為之哀者也

我聞

曰以言取人人飾其言以行取人人竭其行飾言無庸

竭行有成

君子不以言舉人無功故也欲行有成故也

惟爾小子飾言事王

寔蕃有徒王貌受之終弗獲用面相誣蒙及爾顛覆

蕃多

徒衆言非一也貌謂外相悅而無實也君臣之相誣蒙必相及共顛覆之也

爾自謂有餘予

謂爾弗足敬思以德備乃禍難

言其不足於道義也以用也乃汝也

難至

而悔悔將安及無曰予為惟爾之禍

為不言也

### 太子晉解第六十四

晉平公使叔譽于周見太子晉而與之言

叔譽者大夫叔向也周靈

王太子名晉也

五稱而五窮逡巡而退其不遂

五稱說五事遂終也

歸告

公曰太子晉行年十五而臣弗能與言

告平公稱其賢才也

君請

歸聲就復與田若不及及有天下將以為誅

聲就復與周之二邑

邑周衰晉取之也

平公將歸之師曠不可曰請使瞑臣往與之

言若能幪予反而復之

師曠晉大夫無目故稱瞑幪復也度謀還與否也

師曠



見太子稱曰吾聞王子之語高於泰山夜寢不寐晝居

不安不遠長道而求一言

言高於泰山言無上也不安至饑渴也

王子應

之曰吾聞太師將來甚喜而又懼吾年甚少見子而懾

盡忘吾其度

懾而忘度所以為謙

師曠曰闕

吾聞王子古之

君子甚成不驕自晉始如周行不知勞

有成德不以驕易也

王子

應之曰古之君子其行至慎天下施關道路無限百姓

悅之相將而遠遠人來驩視道如尺

言已不及古君子尺喻近

師曠

告善又稱曰古之君子其行可則由舜而下其孰有廣

德

問舜已下可法則之君子也

王子應之曰如舜者天舜居其所以

利天下奉翼遠人皆得已仁此之謂天

言其仁合天道

如禹者

聖勞而不居以利天下好取不好與必度其正是謂之

聖

盡力溝洫勞也貪財利篤其功合聖道也

如文王者其大道仁其小道惠

三分天下而有其二敬人無方服事於商既有其衆而

返失其身此之謂仁

以明仁德人惠懷之行無常唯賢所在勞謙恭儉日夜不息返失之

也如武王者義殺一人而以利天下異姓同姓各得之

謂義

一人紂也義善

師曠告善又稱曰宣辦名命異姓惡方王

侯君公何以為尊何以為上

問其事儀

王子應之曰人生而

重丈夫謂之胄子胄子成人能治上官謂之士胄士率

衆時作謂之曰伯伯能移善於衆與百姓同謂之公

作謂

農功同謂好義

公能樹名與物天道俱謂之侯侯能成羣謂之

君

立名生物謂化施於民也成謂成物羣謂之為長也

君有廣德分任諸侯而敦

信曰予一人

敦厚也

善至于四海曰天子達於四荒曰天

王

四海四夷四荒四表

四荒至莫有怨訾乃登為帝

訾嘆恨也合五等之尊卑

而論事義以為之名者也

師曠鑒然又稱曰溫恭敦敏方德不改聞

物闕

下學以起尚登帝臣乃參天子自古誰

聲然自嚴肅也

方道初本也起其物義也問最賢之人也

王子應之曰穆穆虞舜明明赫赫

立義治律萬物皆作分均天財萬物熙熙非舜而誰能

律法也謂致其物也熙熙和盛言舜臣堯功德如此也

師曠東躅其足曰善哉善

哉

東躅踏也

王子曰太師何舉足驟師曠曰天寒足躅是以

數也

驟亦數也王子戲問故曠戲答

王子曰請入坐遂敷席注瑟師曠

歌無射曰國誠寧矣遠人來觀修義經矣好樂無荒

交言

於堂故更入燕室坐歌此辭而音合於無射之律

乃注瑟於王子王子歌嶠曰

何自南極至于北極絕境越國弗愁道遠

嶠曲名也師曠作新曲美

王子也王子述舊曲諫也

師曠蹶然起曰瞋臣請歸

蹶然疾貌

王子賜之

乘車四馬曰太師亦善御之

禮為人子三賜不及車馬此賜則自王然後行可知

也師曠對曰御吾未之學也王子曰汝不為夫時詩云

馬之剛矣轡之柔矣馬亦不剛轡亦不柔志氣塵塵取

予不疑以是御之

馬不剛轡不柔言和擾也塵亦和擾也不疑和之心也

師曠對

曰瞋臣無見為人辯也唯耳之恃而耳又寡聞而易窮

王子汝將為天下宗乎

辯別也為人有所別唯恃耳也宗尊也天下所尊則有明王者

也 王子曰太師何汝賤我乎自太昊以下至于堯舜禹

未有一姓而再有天下者夫大當時而不伐天何可得

言自庖犧至禹其子孫未有期運當時  
斯不立矣言周衰未盡已必不立也 且吾問汝之人

年長短告吾師曠對曰汝聲清汗汝色赤白火色不壽

清角也言音汗沆木木生  
火色亦知聲者則色亦然 王子曰吾後三年上賓于帝

所汝慎無言 闕 將及汝  
言死必為賓于天帝之所鬼神  
之則王子之事不欲令人知之

也 師曠歸未及三年告死者至  
未及三年并歸之年為  
三年則王子年十七而

卒也

王佩解第六十五

王者所佩在德德在利民民在順上

言以利民為德也天子事天所以威

下使合為在因時應事則易成

得時所為合應為其機

謀成在周

長有功在力多

周忠信也力多則功多也

昌大在自克不過往數懲

以義勝欲得昌大數有懲艾則無過也

不困在豫慎見禍在未形

事未成而豫慎

則不困也除害在能斷安民在知過用兵在知時

能斷所不

輒改民將安生時謂可伐時也

勝大患在合人心殃毒在信疑

舉合民何患

之有孽子在聽內化行在知和

內聽於孽孽而吐於中言宜其生灾也可否相

濟曰施舍在平心不幸在不聞其過施謂施惠舍謂赦罪聖人以聞己過

為幸貴福在受諫基在愛民固在親賢受諫則無非故福以愛民為基

速改也禍福在所密利害在所近存亡在所與所

明君之義也則固禍福在所密利害在所近存亡在所與所

密皆親近所利用皆忠良則福利生反是則禍患至離合在出命尊在慎威安在

恭己危亡在不知時教命善則事合否則失矣威得其時也見善而急時至而疑亡正處邪是弗能居此得失

之方也不可不察急懈墮不能行也疑由豫不果也邪奸術也慮奸術是不居大之道也乃

是得失之道也



殷祝解第六十六

湯將放桀于中野

此事不然矣或者欲解之

士民聞湯在野皆委貨

扶老携幼奔國中虛

言桀國中空無人又不然矣

桀請湯曰國所以

為國者以有家家所以為家者以有人也今國無家無

人矣君有人請致國君之有也

此國為天下也

湯曰否昔大帝

作道明教士民今君王滅道殘政士民惑矣吾為王明

之

大帝謂禹明禹之事於士民也

士民復致於桀曰以薄之居濟民之

賤何必君更

此士民辭也薄湯所居也言與君更與桀徙避湯

桀與其屬五百

人南徙千里止於不齊民往奔湯於中野

不齊地名

桀復請

湯言君之有也湯曰否我為君王明之士民復重請之

桀與其屬五百人徙於魯魯士民復奔湯

魯亦地名

桀又曰

國君明之士民復奔湯

亦魯地名

桀又曰國君之有也吾則

外人有言彼以吾道是耶我將為之

言桀以此辭勸勉湯者也

湯曰

此君王之士也君王之民也委之何湯不能止桀

必欲去也

湯曰欲從者從君桀與其屬五百人去

居南巢之地名

湯放桀

而復薄三千諸侯大會

大會於薄

湯退再拜從諸侯之位湯

曰此天子位有道者可以處之

讓諸侯之有道者

天子非一家

之有也有道者之有也故天下者唯有道者理之唯有

道者紀之唯有道者宜久處之

久處久居天子之位

湯以此讓三

千諸侯莫敢即位然後湯即天子之位

三千諸侯勸之也

與諸

侯誓曰陰勝陽即謂之變而天弗施

逆天

道施雌勝雄即

謂之亂而人弗行

雌勝雄女凌男之異逆人道故不行焉

故諸侯之治政

在諸侯之大夫治與從

言下必順上所以教治也

周祝解第六十七

曰維哉其時告汝不聞道恐為身災

言所以告汝不謹聞道為身災也

哉民乎朕則生汝朕則形汝

告以善道是生之是以教之以法也

朕則經

汝朕則亡汝朕則壽汝朕則名汝

經紀汝昌阜汝殺亡汝為汝請命名汝善

惡也故曰文之美而以身剝自謂智也者故不足

狝貉俱以文受

害入自賢則愚惡返見也

角之美殺其牛榮華之言後有茅

言牛以角死虛

言致穢也

凡彼濟者必不急觀彼聖人必趣時

以不急故濟以趣時故聖

石有玉而傷其山萬民之患在口言

山以有玉故傷人以口言受惠

時

之行也勤以徙不知道者福為禍

不徙以及時人故失其福也

時之

徙也勤以行不知道者以福亡

行謂與時俱行

故曰肥豕必烹

甘泉必竭直木必伐

以其供人用自然理

地出物而聖人是時難

鳴而人為時觀彼萬且何為求

萬物自然不為人求聖人則之如因雞鳴以識

時也故天有時人以為正地出利而民是爭

正謂敬授民時也爭謂爭

其斂之也人出謀聖人是經陳五刑民乃敬

經經度之也敬上命也教

之以禮民不爭被之以刑民始聽因其能民乃靜

有禮則讓

故不爭聽順靜服謂不為亂也

故狐有牙而不敢以噬獾有蚤而不敢

以擲喻人以小能不敢望大

勢居小者不能為大

雖有英材

勢不特欲正中不貪其害凡勢道者不可以不大不貪便故

中正不立不大其故木之伐也而木為斧賊難而起者

自近者因木以伐木因近以成賊二人同術誰昭誰暝二虎同穴誰

死誰生成者能昭猛者能生故虎之猛也而陷於獲人之智也而

陷於詐虎以食陷弄人以欲陷詐詐罔也葉之美也解柯柯之美也離

其枝枝之美也拔其本儼矢將至不可以無盾此言飾末業覆

本質也盾喻為人當有所備護故澤有獸而焚其草木大威將至不可

為巧焚其草木則無種大威將至不可以為勇言因貨以危身

禍至不可救也故天之生也固有度國家之患離之以故

以言患因

事而起故事也地之生也固有植國家之患離之以謀

植立也

立故時之還也無私貌日之出也無私照

還謂至也貌謂無實時至

並應日出時之行也順至無逆為天下者用大略

言當以大

暑順時也火之燁也固定上為天下者用牧

燁然也火曰炎上牧謂法也

水之流也固走下不善故有桴

桴所擊鼓也言惡政由於發者也

故福

之起也惡別之禍之起也惡別之

惡於何也言其微也

故平國若

之何須國覆國事國孤國屠皆若之何

覆滅也事謂事無役也孤謂無

謂屠為人分裂也

故日之中也及月之望也食威之失也陰食

陽善為國者使之有行

食謂毀明而生魄也及跌也以日蔽於陰喻君行失道

是

彼萬物必有常國君而無道以微亡

微以積小以致滅亡者也

故天

為益地為軫善用道者終無盡地為軫天為益善用道

者終無害

言用道動靜法天地

天地之間有滄熱善用道者終不

竭

滄寒竭盡

陳彼五行必有勝天之所覆盡可稱

言五行相勝以生成

萬物盡可稱名之也

故萬物之所生也性於從萬物之所反也性

於同

從謂立也始異終故曰反也

故惡姑幽惡姑明惡姑陰陽惡姑



短長惡姑剛柔

姑者且也言幽明之相代陰陽之變易短長之相形剛柔之相生始終之道也

故海之大也而魚何為可得山之深也虎豹貔貅何為

可服

言皆以貪餌自中鈎檻也

人智之邃也奚為可測跂動噦息而

奚為可牧

誠於事故可測牽於事故可牧

玉石之堅也奚可刻

言服飾之窮物

也陰陽之號也孰使之牝牡之合也孰交之君子不察

福不來

言陰陽之稱號牝牡之交合皆自然也君子察自然之理則福來也

故忌而不得

是生事故欲而不得是生詐

生事謂變也生詐謂詐為求之

欲伐而不

得生斧柯欲鳥而不得生網羅欲彼天下是生為

所以生成

所欲也謂云為之事也

維彼幽心是生包維彼大心是生雄維彼

忌心是生勝

包謂包藏陰謀雄謂雄桀於人也勝謂勝所忌皆惡忌事也

故天為高

地為下察汝躬奚為喜怒天為古地為久察彼萬物名

於始

言法天地則喜怒無錯推古久則萬始可知也

左名左右名右視彼萬物

數為紀紀之行也利而無方行而無止以觀人情

名以左右

則物以數為紀紀則生利利以利情也

利有等維彼大道成而弗改用彼

大道知其極加諸事則萬物服

差等也大道天道也極中也事業也

用其

則必有羣加諸物則為之君

羣類

舉其修則有理加諸物

則為天子

修長也謂  
綱例也

逸周書卷九

欽定四庫全書

逸周書卷十

晉孔晁注

武紀解第六十八

幣帛之間有巧言令色事不成車甲之間有巧言令色  
事不捷克闕事而有武色必失其德臨權而疑必離其  
災闕不捷智不可闕於不足并於不幾則始而施

幾而弗免無功國有三守卑辭重幣以服之弱國之守  
也修備以待戰敵國之守也循山川之險而固之僻國

之守也伐服不祥伐戰危伐險難故善伐者不伐三守  
伐國有六時五動四順間其疏薄其疑推其危扶其弱  
乘其衰暴其約此謂六時扶之而不讓振之而不動數  
之而不服暴之而不革威之而不恐未可伐也此謂五  
動立之害毀之利克之易并之能以時伐之此謂四順  
立之不害毀之不利唯克之易并之不能可伐也立之  
害毀之未利克之難并之不能可動也靜以待衆力不  
與爭權弗果據德不肆國若是而可毀也地荒而不振

德衰而失與無苦而危矣求之以其道

闕

無不得為

之以其事而時無不成有利備無患事時至而不迎大

祿乃遷延之不道行事乃困不作小

闕

動大殃謀有不

足者三仁廢則文謀不足勇廢則武謀不足備廢則事

謀不足國有本有幹有權有倫質有樞體土地本也人

民幹也敵國侔交權也政教順成倫質也君臣和

闕

樞

體也土地未削人民未散國權未傾倫質未移雖有昏

亂之君國未亡也國有幾失居之不可阻體之小也不

果隣家難復飾也封疆侵凌難復振也服國從失難復扶也大國之無養小國之畏事不可以本權失闕家之交不可以枉繩失隣家之交不據直以約不虧體以陰不可虞而奪也不可策而服也不可親而侵也不可摩而測也不可求而循也施度於體不慮費事利於國不計勞失德喪服於隣家則不顧難矣交體侵凌則不顧權矣封疆不時得其所無為養民矣合同不得其位無畏患矣百姓屈急無藏畜矣擠社稷失宗廟離墳墓困

鬼神殘宗族無為愛死矣卑辭而不聽闕財而無枝計

戰而闕足近告而無顧告過而不悔請服而不得然後

絕好于閉門循險近說外授以天命無為是定亡矣凡

有事君民守社稷宗廟而先衰亡者皆失禮也大事不

法弗可作法而不時弗可行時而失禮弗可長得禮而

無備弗可成舉物不備而欲闕大功於天下者未之有

也勢不求周流舉而不幾其成亡薄其事而求厚其功

亡內無文道外無武迹往不復來者有悔而求合者亡



不難不費而致大功故令未有據名而不辱應行而不困唯禮得之而無逆失之而無咎唯敬成事而不難序功而不費唯時勞而有成費而不亡唯當施而不拂成而有權久之而能闕唯義不知所取之量不知所施之度不知動靜之時不知吉凶之事不知困達之謀疑此五者未可以動大事恃名不久恃功不立虛願不至妄為不祥太上敬而服其次欲而得其次奪而得其次爭而克其下動而上資其力凡建國君民內事文而和外

事武而義其形慎而殺其政直而公本之以禮動之以時正之以度師之以法成之以仁此之道也

銓法解第六十九

有三不遠有三不近有三不畜敬謀祇德親同三不遠也聽讒自亂聽諛自欺近慙自惡三不近也有如忠言竭親以為信有如同好以謀易冠有如同惡合計掬慮慮泄事敗是謂好害三不畜也

器服解第七十

明器因外有三疋二用器服數犢四楮禁豐一鰲天韋  
獨食器無迺迺膏侯屑侯樂鈇璫參冠一竿皆素獨二丸  
弁焚菜膾五昔纁裏桃枝素獨蒲簟席皆素斧獨巾玄  
纁綏綳冠素紕玄冠組武卷組纓象闕瑱絺紳帶象

玦朱極韋素獨簟簋捍次車羔冒闕純載枉綫喪勤焚

纓一給器因名有三幾玄茵纁裏桃枝獨蒲席皆素布  
獨巾玄象玄純

逸周書卷十

昭德晁公武志

汲冢書十卷蓋晉太康中汲郡與穆天子傳同得晉孔  
晁注蓋孔子刪採之餘凡七十篇古者天子諸侯皆有  
史官唯書法信實者行于世秦漢罷黜封建獨天子之  
史存然史官或怯而阿世貪而曲筆虛美隱惡不足考  
信則儒學處士必私有記述以伸其志將來賴之以證  
史官之失其功亦大矣以司馬遷之博聞猶采數家之  
言以成其書況其下者乎亦有聞見單淺記錄失實胸

臆偏私褒貶弗公誤後世在觀者慎擇而已矣

晉孔晁注周書十卷按隋唐經籍志藝文志皆稱此書  
得於晉太康中汲郡魏安釐王冢孔晁注或稱十卷或  
八卷大抵不殊若此則晉以前初未有此也然劉向所  
錄及班固並著周書七十一篇且謂孔子刪削之餘而  
司馬遷史記武王克殷事蓋與此合豈西漢世已得入  
中秘其後稍隱學者不道及盜發冢闕幸復出邪篇目  
比漢但闕一耳必班劉司馬所闕已繫之汲冢失其  
本矣書多駁辭宜孔子所不取闕戰國處士私相綴續

託周為名孔子亦未見古章句或舛訛難讀聊復傳寫  
以待是正巽巖李燾

